

**Dr Joseph Fallen**

# **Lei Floureto dóu Camin**



**C.I.E.L. d'Oc**

Centre International de l'Écrit en Langue d'Oc  
3 Place Joffre, 13130 Berre L'Étang  
<http://www.lpl.univ-aix.fr/ciel/>

## Lei floureto dóu camin

Quand sus la terro nasejèri  
- Marcho, roumiéu! mi diguè lou destin  
E despuei qu'olor m'adraièri  
Ai fa deja proun lègo de camin.

Au souleias, à la plouvino,  
- Marcho, roumiéu! de longo ai camina  
Sènso que joio o treboulino,  
Un soulet jour, m'ague empacha d'ana.

Qu'escale o descènde la draio,  
- Marcho, roumiéu! fau toujours la segui  
E quand ti semblarié plus gaio  
As pas lesé de musa peraqui.

A travès coumbo, mount e plano,  
- Marcho, roumiéu! ti fau dóu meme pas  
Trepeja sablo d'uno andano,  
Pèiro de couelo e margai de campas.

A l'ombro eimariés faire pauso?  
- Marcho, roumiéu! ti coursejo lou tèms...  
Prendriés sèti sus uno lauso?  
Noun! Canto e vai! Canta rènde countènt!

- Diéu-gràci! Oh! lei bèlle floureto!  
- Marcho, roumiéu! Tout-de-long dóu camin,  
Entre lei róumi e lei peireto,  
Tèn lèi d'à ment, n'en trouvaras ensin;

Ta draiolo n'es perfumado!  
- Marcho, roumiéu! Mai lou couer trefouli  
Davans tant de floureto eimado,  
Pèr un bouquet laissez-mi n'en culi!